

Nunatsinni Nakorsaaneqarfik

Angajoqqaanut paasissutissiissut

## Ajuarneq (folliculitis/furuncles)

Ajuartoqarsimammammat angajoqqaatut nappaatip tuniluussinnaaneranut annikillisitseqataasinnaavutit. Ilitsersuut atuaruk meeqqallu ajuarsorigukku sulisut tamatuminnga ilisimatikkit.

Ammip ilaani aalajangersimasumi tappiorannartunik bakterissanik stafylokokkinik patsiseqarajuttumik aseruuttoornikkut ajualersoqartarpoq.

### Tunillatsinneq

Tunillannartoq marnermiit assaat atortulluunniit aqutigalugit inoqutigiinni tuniluukkajunnerusarpoq.

Tunillannartut (ass. tappiorannartut stafylokokkit) avatangiisini soorlu pequtini, oqorutini imal. pingussani qaammatini arlalinni uumasinnaapput.

Tunillaasinnaaffik: Ajussap seerilerneraniit panernissaata tungaanut.

### Pitsaaliuineq

Assaat eqqortumik asanneqartarnerat eqqiaanerullu qaffasissumik pitsaassuseqarnera nappaatip tuniluutinnginnissaanut pingaaruteqarput.

Meeqqat amerluutaata tuniluuttup ajussalluunniit seerinerat tappiorannartunik bakterissanik ulikkaarpoq, meeqqallu mikisut eqqiluisaarnissamik suli paasisimasaqannginnertik pissutigalugu ikitik attuuaniartuartarmatigik - meeqqat napparsimavallaanngikkaluarpat - luunniit - meeqqueriviliaqqinnissamut maleruagassat malinneqarnissaat pingaaruteqarpoq.

### Nappaammut ersiutit

Tunillatsinnermiit napparsimalernissap tungaanut sivisussusaa: Ullualuit.

Ammip ilaa aalajangersimasooq ippinnarluni aappillerluni pullattoq kingornalu marniliuulluni. Annertuumik ajuarneq iluaalliuutaallunilu kissarneaqaataasinnaavoq.

### Nakorsartinneq

Ajuarneq nalinginnaasumik peqqinnissaqarfimmi nakorsarneqartariaqartarpoq.

### Taama nappateqartoqartillugu maleruagassat

MRSA-nik (tappiorannartut stafylokokkit antibiotikanut akiuussinnaassusillit) patsiseqarnera paasineqarpat maleruagassat immikkut ittut atuutissapput.

### Meeqquerivimmukaqqinnissaq

Ajussat seeriuunaarlutik panerpata.